



Ink.

71

Von Gottes Gnaden Augustus

Herzog zu Sachsen / des heyligen Römischen Reichs Erzmarschalch / Churfürst / etc. vnd Burggraff zu Magdeburgk.

J

Jeber getrewer / Welcher gestalt auff jüngst alhir gehaltenem Landtage / unsere getrewe Landtschafft / aus vnderthenigkeit / sonderer liebe vnd neigung / zuuorrichtung der vns obligenden ihnen denen von der Landtschafft angezeigten beschwerung / vnd schulden last / eine gemeine Steuer / als sechs pfennige / jährlichen von jederm narwen schocke / auff Sechs jar lang vnderthenigst bewilligt / dessen tregst du gut wissen / Haben demnach dorauß ein Ausschreiben vnd erklerunge gethan / welcher massen / vnd auff was Termin / solche steuer einzubringen / wie du aus beyligenden besiegelten Abdrücken solchs weiter wirst befinden / Vnd begeren hiemit beuehlende / du wollest die vom Adel / so in vnser dir beuohlen Ampt gehören / vnd nicht vff Cantleyschafft sitzen / desgleichen die andern Vnderthanen vnser dir beuohlenen Ampts / förderlich vor dich erfordern / vnd inen solch vnser Ausschreiben vorkündigen / Auch volgents einem jeden Amptfassen vom Adel einen Abdruck / Büchleins vñ Anschlags weise dauon zustellen / damit er sich seiner selbst / vnd dann seiner Leutte habe vnd güter wegen darnach zurichten / In sonderheit aber wollest du darauff fleissige achtung geben / das sie sich recht schätzen / vnd die Steuer auff jeden Termin vnuorzüglich erlegen / die du dan förder / neben deme / so dir vor dich / inhalt solchs Ausschreibens zugeben gebüret / auff den tag / welchen dir die verordneten / vnd in oberwentem Ausschreiben benente Einnehmere in dem Kreisse / dorinnen du gesessen / oder damit bezirckt / auff einen jedern Termin namhaftig machen werden / sampt klaren besiegelten Registern / dorinnen ein jeder / sampt seinen ligenden gründen vnd andern gütern / auch werbender barschafft / vnd wie hoch ein jedes vorschätzt / mit nahmen gesetzt / zu vberantworten / vnd hierinnen an dir nicht mangel erscheinen zulassen wirst wissen.

9 8 1/2 10 20

Nachdeme vns auch gedachte vnser trewe Landschafft /
auff vnser gnedigs begeren / auff berürtem jüngst gehaltenem
Landtage / die grosse Francksteuer / wie die hundert
gereicht wirdet / von Simonis vnd Jude / des negst kommenden
Einundsiebentzigsten jars / do die hieuorige bewilligte jar auß
gehen / widerumb auff's natwe anzufahen / noch Sechs jar lang
erstreckt / vnd zureichen aus vndertheniger zuneigung bewil
liget / Als ist ferner vnser beuehlich / du wollest die nehere vnd
alle künfftige fristen / an getrewer vleissiger einbringunge der
Francksteuer von allem Getrencke / an Wein vnd Bier / so
von vnser's dir beuohlenen Ampts Vnderthanen vnd Krei
schmarn außgeschanckt / vorzapfft / oder bey fassen / vierteln /
tonnen oder einern vorkaufft / nicht mangel fürfallen lassen /
Auch volgendts solche Francksteuer auff ein jedere frist / auff
den tagt / so wir dir in dem Ausschreiben namhaftig gemacht /
welchs wir am dato Lochatw den 14. tag Nouembris / Anno 16.
57. im Druck haben außgehen lassen / sampt claren richtigen
besiegelten Registern / wie solchs erwenth vnser Ausschreiben
erfordert / den verordneten Einnehmern in dem Kreisse / dorina
nen du gefessen / oder damit bezirckt / getrewlich oberantworten /
Dich selbst mit entrichtung der Francksteuer auch deme gemess
erzeigen / damit wir in verbleibunge dessen zu ernstler vnnachles
licher straff nicht vorursacht werden.

Will auch der Herrnlosen knechte vnd Plackerehen halben/
auff itzigem Landtage durch vnser getrewe Landschafft
allerley beschwerliche klagen / wie die Vnderthanen zum
höchsten bedranget / vnd belestigt werden / an vns gelangt / vnd
wir omb gebürlichs ernstes einsehen vnderthenigst ersucht wor-
den sein / So haben wir vnser hiebeuorn derhalben außge-
gangene Ausschreiben also widerumb vornewert / wie du hirbey
zu befinden / Vnd ist vnser beuechlich / du wollest dasselbige vn-
fers dir beuohlenen Ampts Vnderthanen offentlich vorlesen /
volgends an gewöhnliche stelle anschlagen / vnd doran sein /
das demselben festiglich nachgegangen / vnd vnwegerlich ge-
horsame folge geleist werde / In massen du vor deine Per-
son auch thun wöllest / bey vormeidunge der dorinnen son-
derlichen außgedruckten straffen / An dem allen geschicht vnser
genzliche zuuorlesige ernste meinunge / Datum Torgaw
den Neunden tag Octobris / Anno 16. Lxx.

[Faint, mirrored text, likely bleed-through from the reverse side of the page. The text is illegible due to fading and bleed-through.]

Vf 2521


~~ink~~

4°

Ink.

INK

V317



Von Gottes gnaden Augustus

Herzog zu Sachsen / des heyligen Römischen Reichs Erzmarschalch / Churfürst / etc. vnd Burggraff zu Magdeburgk.



Neber getrewer / Welcher gestalt auff jüngst alhir gehaltenem Landtage / vnser getrewe Landschafft / aus vnderthenigkeit / sonderer liebe vnd neigung / zurrichtung der vns obligenden ihnen denen von der Landschafft angezeigten beschwerung / vnd schulden last / eine gemeine Steuer / als sechs pfenninge / jårlichen von jedem natwen schocke / auff Sechs jar lang vnderthenigst bewilligt / dessen tregst du gut wissen / Haben demnach dorauff ein Ausschreiben vnnnd erklerunge gethan / welcher massen / vnd auff was Termin / solche steuer einzubringen / wie du aus beyligenden besiegelten Abdrücken solchs weiter wirst befinden / Vnd begeren hiemit beuehlende / du wollest die vom Adel / so in vnser dir beuohlen Ampt gehören / vnd nicht vff Santsleyschafft sitzen / desgleichen die andern vnderthanen vnser dir beuohlenen Ampts / förderlich vor dich erfordern / vnd inen solch vnser Ausschreiben verkündigen / Auch volgentz einem jeden Amptfassen vom Adel einen Abdruck / Büchleins vñ Anschlags weise dauon zustellen / damit er sich seiner selbst / vnd dann seiner Leute habe vnd gütter wegen darnach zurichten / In sonderheit aber wollestu darauff fleissige achtung geben / das sie sich recht schätzen / vnd die Steuer auff jeden Termin vnuorzüglich erlegen / die du dan förder / neben deme / so dir vor dich / inhalt solchs Ausschreibens zugeben gebüret / auff den tag / welchen dir die verordenten / vnd in obertwentem Ausschreiben benente Einnehmere in dem Kreisse / dorinnen du gefessen / oder domit bezirckt / auff einen jedern Termin namhaftig machen werden / sampt klaren besiegelten Registern / dorinnen ein jeder / sampt seinen ligenden gründen vnd andern gütern / auch werbender barschafft / vnd wie hoch ein jedes vorschafft / mit nahmen gesetzt / zu oberantworten / vnd hierinnen an dir nicht mangel erscheinen zulassen wirst wissen.

987 1570

